



Wahı wã rëenem sën sing Wënd Tën-tuumã (Wënd puusg la A tulgr be a yïnga) yaa zãms sōngo goëeme

Yii a ‘Aalša sën yaa muumin-rãmbã ma wã nengë, (Wënd yard be a yïnga), t'a yeelame: Wahı wã rëenem sën sing Wënd Tën-tuumã (Wënd puusg la A tulgr be a yïnga) yaa zãms sōngo goëeme, a rag yume n ka yãt zãmsdo rëndame t'a yı wala yibeoog vëegre, rë poorë t'a bu nonglem ne lakre, t'a rag n lakd n këngd Gaari Hıraa' (Hıraa longë wã) n tug n tũud Wënd beenë, yund saare, taoor t'a na n ka lebg n këng a zakã rãmbë, n baood sırfãnta yel-kãngã yïnga, rë poorë t'a lebg n këng a Hadiigã nengë, n segl sırfanta yësa, halı tı Sıdã wa a nengë t'a bee Hıraa' longë wã, tı Malëkã wa a nengë, n yeel-a: kareme, t'a yeele: «m ka mi kareng ye». A yeelame: «Rënd a gãda maam n mobg maam halı tı wıng maam, rë poorë t'a bas maam n yeele kareme». Tı mam yeele: «mam ka mi kareng ye». T'a gãd maam n mobg maam noor a yiib soabã halı tı ydams paam maam, rë poorë t'a bas maam n yeele: kareme, tı mam yeele «mam ka mi kareng ye». T'a leb n gãd maam n mobg maam noor a tãab soabã, rë poorë t'a bas maam, n yeele: {Karem ne f Soab ning sën naan-a wã yuure. A naana ninsaalã ne zı-pelle. Karem, tı fo Soabã n yuud ne kũuni.}. [Al-‘Alak (Zı-pellã suura):1-3]. Wënd Tën-tuumã (Wënd puusg la A tulgr be a yïnga) lebgame t'a sũurã yaa sën rigdi, n këng a Hadiigã Bintu Hulaylad nengë (Wënd yard be a yïnga) n yeele: «Lud-y-ma». Tı b lud-a halı tı pelen-yıkã wa sɛ. T'a yeel a Hadiigã n togs-a kibarã, ad mam yësa bũmb na n wa maan-ma, t'a Hadiigã yeele: ayoo, m wëen ne Wënde, Wënd kõn n ning foom yãnd lae ye, ad fo tőkda rogem, la f tukd zub n basd b rãmba, la fo kõt sën ka tara, la fo monogd sãana, la fo sōngd zãmaanã yel-kegemsã wakato. T'a Hadiigë yi ne-a n këng a Warkat [bn Nawfal [bn Asad [bn ‘Abd Al‘Uzaa nengë, sën yaa a Hadigã saambıb biigã, la yë rag n yaa ned sën be Ahlu kitaab (Gaf a taabã) rãmbã dïinã pugë, a rag n gulsda Lingiilã ne Yahuud-rãmbã goama, Wënd sën tull t'a guls tɛka, la a rag n lebg a nin-këem wusgo, t'a ninã meneme. T'a Hadiigã yeel-a: m saambib biiga: kelg f saam-biiga biig sën yete. La a Warkat yeel Nabiyaamã: m saam-biig biiga, yaa bõe la fo yã? Tı Tën-tuumã kõ-a kibare ne a sën yã wã. La a Warkat yeel-a: yaa yãwã la Tën-tuum ninga sën sig a Muusa nengë wã, kato! M sã n da yİë rasãnga a wakatã,. Kato, m sã n rã vı fo nebã sën wat na n yiis foomã. Tı Wënd Tën-tuumã (Wënd puusg la A tulgr be a yïnga) yeele: «B na n yiisa maam la?» La a yeel yã: n- yee, ned ka wa ne fo sën wa ne wã sën looge, rëndame tı b maan-a beem, la fo raarã sã n paam maam, m na sōng-f sōngr sën tar pãnga. Rë poorë ka kaoos t'a Warkat maan kaalem, tı Wahı wã wãag wakat n ka watë ye.

[Naşun Şahuhun (Gom-sikdem sën manege)] [B zemsa taab a zugu (A Al-Buħaariy la a Muslim n reeg-a)]

‘Aalša sën yaa muumin-rãmbã ma wã, (Wënd yard be a yïnga) kõo kibare, tı wahı wã sën na n sing ne Wënd Tën-tuumã (Wënd puusg la A tulgr be a yïnga) rëenem, a yı zãmsd gõeemë,

rënd Nabiyaamã rag n yũme n ka yãt a gõeemẽ wã zãmsdo, rëndame t'a wa n yaa vëeneg wala yibeoog peelem, rë poorë b maaname t'a nong lakre, a rag n lakdame n këngd Hıraa longë n tũud Wënd beenë, rasem saare, rë poorë t'a lebg n këng a nebë wã, la a zãada surfãnta n kënge, rë poorë t'a lebg n wa muumin-rãmbã ma wã nengë a Hadiigã (Wënd yard be a yĩnga) n lebg n segl surfãnta sën sekd rasem-kãensã sõorã, halı tı yell ning sën yaa sıdã wa-a, t'a bee Hıraa longë wã. Tı malek a Gibriil (tulgr be a yĩnga) wa a nengë n yeel-a: kareme. Tı Nabiyaamã yeele (Wënd puusg la A tulgr be a yĩnga): mam ka mi kareng ye. T'a yeele: a rıka maam, n mobg maam, n wëbg maam, halı tı pakr la keelem wa paam-ma, rë poorë t'a bas maam, n yeele: kareme. tı mam yeele: mam ka tõe n karem ye. T'a lebg n gãd maam n mobg mobgr a yiib soaba, n yeele: kareme. Tı mam yeele: m ka mi kareng ye, t'a rık maam n wëoog maam noor a tãab soaba, rë poorë n bas maam, n yeele: {1-Karem ne f Soab ning sën naanã wã yũure. 2. A naana ninsaal ne zı-pelle.3. Karem, tı fo Soabã n yũd ne kũuni.}. [Al-‘Alak (Zı-pellã suura):1-3]. Tı Nabiyaamã (Wënd puusg la A tulgr be a yĩnga) lebg ne Aayar-rãmbã t'a sũurã yaa sën rigdi, n yeẽsd a na n ki, n kë Muumin-rãmbã ma wã nengë a Hadiigã nengë, Bintu Huwaylud (Wënd yard be a yĩnga) n yeele: Pil-y maam ne futu, pil-y maam ne futu, tı b pil-a ne futã, halı tı peleng-yıkã wa se. T'a togs-a kibarã, n yeele: ad mam yeẽsa m na n kiime, t'a Hadiigã yeele: Ayoo, m wëen ne Wënde, Wënd kõn n ning foom yãnd lae ye, ad fo tøkda rogem, la f tukd zıbo n basd nin-valemse, la fo kõt sën ka tara, la fo monogd sãana, la fo sõngd zãmaan yel-toodo. T'a Hadiigã yi ne-a n këng a Warkat [bn Nawfal [bn Asada, [bn ‘Abd Al-‘Uzaa nengë, sën yaa a Hadigã saambib biiga, la yë rag n yaa ned sën bas Zulmã n kë Nasaara wã dıin pugë, a rag n gulsda Lingiilã ne Yahuud-rãmbã goama, Wënd sën tull t'a gulsa tẽka, la a rag n lebgã nin-këem wusgo, t'a ninã meneme. T'a Hadiiga yeel-a: M saambib biiga: kelg f saam-biiga biig sën yete. La a Warkat yeel Nabiyaamã: m saam-biig biiga, yaa bõe la fo yã-a? Tı Wënd Tën-tuumã kõ-a kibare ne a sën yã wã. La a Warkat yeel-a: yãwã yaa a Gibriil ninga Wënd sën sik a Muusa nengë wã, (tulgr be a yĩnga) kato! M sã n da yıẽ rasãnga a wakatã, Kato m sã n rã vı fo nebã sën wat n yiis foomã. Tı Wënd Tën-tuumã (Wënd puusg la A tulgr be a yĩnga) yeele: «B na n yiisa maam la? La a yeel yã: n-yee, ned ka wa ne fo sën wa ne wã sën looge, rëndame tı b maan-a beem, la fo raarã sã n paam maam, m na sõng-f sõngr sën tar pãnga. Rë poorë, tı Wahi wã wãag wakat n ka watë ye.

<https://sunnah.global/hadeeth/mos/show/66303>

النجاة الخيرية
ALNAJAT CHARITY

